

**Nikodema Rancāna bolvys**  
**Latgolys izcyluokajim pedagogim**  
**nūlykums**

**Preambula**

2016. goda 26. septembrī paīs 146 godi, kai Ludzys apriņķa Zaļmuižys pogostā (tān – Rēzeknis nūvoda Nautrānu pogosts) dzims izcylais katuoļu goreidznīks un pedagogs, Latgolys pyrmuos atmūdys darbinīks, monsinjors Nikodems Rancāns (1870–1933). Lai gūdynotu juo īspaideigū davumu Latgolys kulturā un izgleiteibā, Rēzeknis Latgališu kultūrys bīdreiba īrūsnoj īdybynot Nikodema Rancāna bolvu Latgolys izcyluokajim pedagogim. Itei bolva tyktu daškierta reizi godā, septembrī, vyspuorejuos un pamatizgleiteibys izgleiteibys īstuožu školuojuojim, kai ari augstuokūs un videjūs profesionalūs vuceibu īstuožu vuceibspākim par īvārojamu īguļdejumu vuceibu dorbā, latvyskuos un latgaliskuos kultūrys un tradiceju īaudzynuošonā jaunajā paaudzē.

Bolvys mierkis ir na tikai Nikodema Rancāna pīminis saglobuošona, bet ari školuojuoju profesejis populariziešona un juos prestiža paaugstynuošona sabīdreibā, atzeimejūt izcylu un pošaizlīdzeigu pedagogu dorbu.

Nikodema Rancāna bolvys pretendēntus vairuokuos nominacejuos, pīmynt juo daudzveideigū pedagogiskū darbeibu, izviertēs žureja, kurys sastuovā tiks aicynoti Izgleiteibys un zynotnis ministrejys, Latgolys nūvodu pošvaļdeibu puorstuovi, izgleiteibys un kultūrys darbinīki.

Bolvys padūšonys svineiguo ceremoneja kasgods tyktu reikuota kaidā nu Latgolys pošvaļdeibu, itei dīna palyktu par Latgolys Školuotuoju dīnu.

## **1. Konkursa mierkis**

Konkursa „**Nikodema Rancāna bolva Latgolys izcyluokajim pedagogim**” (tuoļuk tekstā – Konkurss) mierkis ir styprnuot pedagoga profesejis prestižu un atpazeistameibu sabīdreibā, gūdynojūt izcyļu veikumu pedagogiskajā darbeibā, latvyskuos un latgaliskuos kulturys tradiceju īaudzynuošonu jaunajā paaudzē.

## **2. Konkursa reikuotuoji**

Latgalīšu kulturys bīdreiba (tuoļuk – LKB), sadarbeibā ar Latgolys nūvodu pošvaļdeibom, Rēzeknis Tehnologueju Akademeju (tuoļuk – RTA) un Kulturys ministreja (KM).

## **3. Konkursa nominacejis**

3.1. Pīmyņūt monsinjora N. Rancāna daudzveideigū pedagogiskū un sabīdryskū darbeibu, konkursa laureatim Nikodema Rancāna bolvu dašķir itaiduos nominacejuos:

3.1.1. par īguļdejumu un sasnāgumim latgalīšu volūdys, kulturviesturis un nūvoda vuiceibys īvīsšonā un īdzeivynuošonā školys/augstuokuos izgleiteibys īstuodis vuiceibu/ studeju vidē;

3.1.2. par inovacejom izgleiteibys procesā (jaunu metožu, pīēju, strategeju, modernūs tehnologueju dalītuojumu vuiceibu un audzynuošonys dorbā, metodiskūs dorbu izstruodnis, publikacejis, pīredzis popularizeišona, dorbs ar vacuokim i. c.);

3.1.3. par myusdīneigu un rodūšu pīēju školānu dorba tykuma audzynuošonai un omotu apvuiceibai;

3.1.4. par veiksmīguokū jauno pedagoga debeju (iniciativa, spieja aizraut, īinteresēt, motivēt skolānus, inovacejis i. c.) (pedagogi, kuru dorba stažs napuorsnādz treis godus).

3.2. Latgolys regiona skolys (t. sk. profesionaluos), augstuokuos izgleiteibys īstuoDIS (tuoļuk – pretendenta dasaceituojs) tiks aicynuotys nūsaukt kandidatus kotrai nu nominaceju.

3.3. Pretendenta dasaceituojs var izvierzeit vīnu pretendentu vīnā nominacejā.

3.4. Ka kaidā nu nominaceju ir dasaceiti mozuok par 3 pretendentim, tei nateik vierzeita izvierteišonai.

3.5. Žureja, sovstarpeji vīnojūtīs un bolsojūt par sovu lāmumu, var nadaškiert bolvu kaidā nu nominaceju voi ari daškiert papyldu bolvys asūšuo bolvu fonda ītvorūs.

3.6. Izviertejūt pretendentus, konkursa reikuotuoji var daškiert vīnu nominaceju, kas nav pīmynāta nūlykuma 3.1. punktā.

#### **4. Konkursa reikuošona**

4.1. LKB izsludynoj konkursu Izgleiteibys un zynuotnis ministrejis sātys lopā, RTA sātys lopā, portalā [www.lakuga.lv](http://www.lakuga.lv), [www.latgale.lv](http://www.latgale.lv), Latgolys nūvodu pošvaļdeibu sātys lopuos un informej Latgolys regiona skolys (t. sk. profesionaluos), augstuokuos vuiceibys īstuoDIS par pedagogu dasaceišonu apbolvuošonai da kotra goda 5. septembrim.

4.2. Dasokūt pretendentu konkursam dasaceituojs īsnādz dasacejumu (1. dalykums). Dasaceituojs var byut:

4.2.1. Školys/ augstuokuos izgleiteibys īstuoDIS vadeiba.

4.2.2. Školys prezidents voi studejūšūs pošpuorvaļdis vadeituojs.

4.2.3. Vacuoku komitejis puorstuovs.

4.2.4. Bīdreibys voi cytu NVO puorstuovs.

## **5. Vierteišona un uzvarātuoju apbolvuošona**

5.1. Īsnāgtūs prīšklykumus par apbolvuošonu izskota un lāmumu pījam LKB vaļdē apstyprynuota žureja, kurys sastuovā ir puorstuovi nu LKB, Izgleiteibys un zynuotnis ministrejys, Latgolys nūvodu pašvaļdeibu, RTA (ni vāluok kai nedeli pyrms pasuokuma).

5.2. Komiseja, piec kandidatu izvierteišonys, apbolvuošonai kotrā nominacejā izvierzej ni vairuok kai vīnu nominantu. Lāmums teik pījimts, par kotru nominaceju bolsojūt. Bolsim dolūties, izšķirūšais ir komisejis prīšksādātuoja bolss.

5.3. Kotrā nominacejā var tikt daškiertys veicynuošonys bolvys.

5.4. Ka kaidys nu žurejis dalinīku ir teiši voi nateiši saisteits ar kaidu nu nominacejai izvierzeitūs pretendentu (var izaveiduot interešu konflikts), jis napīsadola attīceiguos nominacejis izviertiešonā.

5.5. Konkursa uzvarātuoji teik paziņuoti tradicionalajā Nikodema Rancāna bolvys padūšonys pasuokumā, kasgods septembrī, reikojūt pasuokumu kaidā nu Latgolys pošvaļdeibu.

5.4. Konkursa uzvarātuojim padūd piec eipaša meta darynuotu bolvu. Atkareibā nu bolvu fonda leluma var tikt daškiertys ari cytys bolvys.

5.5. Konkursa uzvarātuojim ir pīnuokums nuokamajā vuiceibu / studeju goda garumā daleitīs pīredzē ar koleģim Latgolys regionā, reikojūt vysmoz vīnu publicitatis pasuokumu.

Latgalīšu kulturys bīdreibys  
vaļdis prīšksādātuoja Līvija Plavinska